

Powšitkowne WOZJEWJENJA

njedźelu, 3. julija 2016

Zetkanje Częstochowskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so hač do njedźele, 3. julija, pola fararja Bena Jakubaša w Radworju přizjewja, telefonowe čisło (0 3 59 35) 2 07 13. Zetkanje wšitkich putnikow budže pónđzelu, 4. julija, po Božej mši w Radworju na farje. Wječorne kemše w 19 hodź.

Kemše w Krupce

Na putniku Božu mšu srjedu, 6. julija, w 10 hodź. w Krupce pojedže zaso bus. Štóz chce sobu jěć, njech so hač do pónđzele, 4. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

Paddy Kelly přińdže do Róžanta

W Róžeńće wotměje so sobotu a njedźelu, 9. a 10. julija, Gig-festiwal. Sobotu popołdnu přewjedu so wot 14 hodź. orkshopy, wot 17 hodź. koncert ze wšelakimi skupinami. Mjez nimi budže Michael Patrick „Paddy“ Kelly, kotryž bu jako člon w Europje přewšo wuspěšneje band The Kelly Family znaty. Wjacerečnu Božu mšu njedźelu, 10. julija, w 10 hodź. změje swjećacy biskop Marian Eleganti z Chura w Šwicarskej. Budže to tón dzeń jenička njedźelna Boža mša na hnadownym městnje. Wšitcy su wutrobnje přeprošeni.

Kolesujo putnikować

K putnikemu tydženjej na kole přeprošuje Smochčanski Dom biskopa Bena wot 7. do 14. awgusta. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Zajimcy měli so w Smochćicach pod telefonowym čislom (03 59 35) 2 23 15 přizjewić.